

ZAPISNIK
O RADU 17. RADNE SJEDNICE SKUPŠTINE KANTONA SARAJEVO ODRŽANE
26.11.2024.GODINE SA POČETKOM RADA U 10,00 SATI

Sedamnaestu radnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 30 zastupnica i zastupnika, dok su se ostali priključili u toku sjednice. Izostanak sa sjednice opravdala je zastupnica Elza Gaković. Kašnjenje na sjednicu je najavio zastupnik Ilijaz Pilav.

U skladu s naprijed iznesenim, prisustvo zastupnika 17. Radnoj sjednici je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kalem Adi
4. Kapidžić Faruk
5. Selmanović Faruk
6. Viteškić Smiljana
7. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pobrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana
4. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Hodžić Admela
2. Lemezani Redžo
3. Memić Arijana

U radnom dijelu sjednice, predsjedavajući je istakao da je Prijedlog dnevnog reda 17. Radne sjednice Skupštine Kantona Sarajevo utvrdio Kolegij Skupštine sjednicama održanim dana 08.11. i 21.11.2024.godine, kada je izvršena dopuna istog.

Nakon čitanja dnevnog reda, predsjedavajući je pozvao zastupnike da se izjasne o istom.

Na osnovu rezultata glasanja, konstatovano je da je Dnevni red 17. Radne sjednice Skupštine Kantona Sarajevo usvojen većinom glasova (s 20 glasova „za“, 5 glasova „protiv“ i 3 „suzdržana“ glasa), i isti glasi:

1. Poslanička/zastupnička pitanja inicijative i odgovori;
2. Prijedlog Odluke o izmjenama i dopunama Poslovnika Skupštine Kantona Sarajevo;
3. Nacrt Budžeta Kantona Sarajevo za 2025. godinu;
4. Nacrt Zakona o izvršavanju Budžeta Kantona Sarajevo za 2025. godinu;
5. Prijedlog Odluke o davanju saglasnosti na Izmjene i dopune Finansijskog plana za 2024. godinu Javne ustanove “Fond Memorijala Kantona Sarajevo” čiji je pravni sljedbenik Javna ustanova “Memorijalni centar Sarajevo”;
6. Prijedlog Odluke o izmjenama Odluke o davanju u podzakup stanova, poslovnih prostora i garaža u objektima O-9 i O-10 na lokaciji “OTES”;
7. Prijedlog Odluke kojom se daje saglasnost za zaključivanje Ugovora o kupoprodaji nekretnina u svrhu proširenja gradskog groblja Vlakovo;
8. Prijedlog Zaključka Skupštine Kantona Sarajevo po zahtjevu Ministarstva unutrašnjih poslova Kantona Sarajevo, broj: 02/7-248/24 od 17.07.2024. godine.

Potom je predsjedavajući napomenuo zastupnike da se trebaju razmatrati dostavljeni zapisnici sa prethodno održanih sjednica. Obzirom da nije bilo prijavljenih zastupnika za eventualne primjedbe na zapisnike, prešlo se odmah na izjašnjavanje po istima.

Nakon izjašnjavanja konstatovano je da je Zapisnik s 11. Radne sjednice Skupštine Kantona Sarajevo, održane 15.11.2023, 13.02., 16.02., 20.02., 21.02., 29.05., i 16.10.2024. godine, jednoglasno usvojen (s 28 glasova „za“).

Nakon izjašnjavanja konstatovano je da je Zapisnik s 14. Radne sjednice Skupštine Kantona Sarajevo, održane 26.02., 07.03., 14.03. i 27.05.2024.godine, jednoglasno usvojen (s 26 glasova „za“).

Nakon izjašnjavanja konstatovano je da je Zapisnik s 15. Radne sjednice Skupštine Kantona Sarajevo, održane 24.04., 26.04., 28.05.2024.godine, jednoglasno usvojen (s 28 glasova „za“).

Nakon izjašnjavanja konstatovano je da je Zapisnik s 2. Hitne sjednice Skupštine Kantona Sarajevo, održane 29.03., 04.04., i 08.04.2024.godine, jednoglasno usvojen (s 28 glasova „za“).

TOK SJEDNICE

Realizacija prve tačke dnevnog reda.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Predsjedavajući je otvorio tačku dnevnog reda i dao riječ prvoj prijavljenoj zastupnici Admeli Hodžić.

Zastupnica Admela Hodžić je podnijela sljedeće (citiramo): „Podnosim inicijativu Ministarstvu pravde i uprave Kantona Sarajevo da obezbijedi sve potrebne uslove za uključivanje organizacija osoba sa invaliditetom u postupke, izrade propisa kroz uspostavljanje kontakt tačke, odnosno osobe ili osoba u Ministarstvu pravde i uprave Kantona Sarajevo, koje će pri kreiranju, donošenju svakog novog propisa u Kantonu Sarajevo saradivati sa predstavnicima organizacija osoba s invaliditetom kojima je Ministarstvo za rad, socijalnu politiku, raseljena lica, izbjeglice Kantona Sarajevo rješenjem utvrdilo ovaj status. Obrazloženje. Osobe sa invaliditetom i njihove organizacije su veoma zainteresovane da razvijaju partnerske odnose u institucijama vlasti u Kantonu Sarajevo i učestvuju u pripremi, donošenju, implementacije svih zakona i drugih propisa u Kantonu Sarajevo, prije svega onih koji se odnose na prava osoba s invaliditetom i direktno utiču na njihov položaj u društvu. Ovaj interes je sasvim logičan jer se u pravilu radi o osobama koji imaju teški invaliditet i koji bez podrške društvene zajednice ne mogu obezbijediti dostojanstven život. Praksa Europe, pa i većine zemalja u svijetu, da se predstavnici organizacija osoba s invaliditetom uključuju u ranoj fazi u pripremu zakona i drugih propisa koji se na direktan ili indirektan način na njih odnosi. O tome se govori u UN Standardnim pravilima o izjednačavanju mogućnosti za osobe sa invaliditetom, koje je Generalna skupština UN-a usvojila '93. godine, a Vijeće ministara Bosne i Hercegovine svojom Odlukom prihvatilo 2003. godine. O ovome se također govori u Konvenciju pravima osoba s invaliditetom, koje je Generalna skupština UN-a usvojila 2006. godine, a Bosna i Hercegovina ratifikovala 2010. godine. Udruženje Slijepih Kantona Sarajevo u partnerstvo s Udruženjem građana Informativni centar za osobe sa invaliditetom u Lotus, a uz podršku Europske, implementira projekat kreiranje politika u Bosni i Hercegovini uz poštivanje ljudskih prava i prava osoba s invaliditetom. Glavni cilj projekta je da doprinese razvoju javnih politika Bosne i Hercegovine u oblasti invalidnosti zasnovanih na konceptu ljudskih prava zacrtanim u međunarodnim i europskim dokumentima. Organizacija osoba s invaliditetom i njihovih članovi trebaju biti ojačani, predstavljeni u partnerstvima, mrežama i saradnji kako bi preuzeli ulogu strateških partnera u kreiranju javnih politika u oblasti invalidnosti na svim nivoima vlasti u Bosni i Hercegovini. I seminar, odnosno trening koji je održan u okviru ovog Projekta u kojem sam učestvovala i sva saradnja nakon toga

sa Udruženjem slijepih Kantona Sarajevo za implementaciju rezultata provedenih aktivnosti je upravo ova inicijativa.“

Zastupnica Smiljana Viteškić je podnijela sljedeće (citiramo): „Ja imam dva pitanja. Prvo je upućeno ministru privrede, a odnosi se na Kantonalno javno preduzeće Veterinarska stanica. Prvo, da li ste u ovoj godini i jednom sa saradnicima obišli Kantonalno javno preduzeće Veterinarska stanica? Da li je u Kantonalnom javnom preduzeću bilo izmjena sistematizacije radnih mjesta, i ako jeste, da li je istina da su koeficijenti povećavani selektivno samo pojedinim uposlenicima? Da li je tačno da nosioci posla, diplomirani veterinari i veterinarski tehničari u ovoj ustanovi imaju najmanje plate u Kantonu Sarajevo? I da li su u ovoj godini izmirena sva dugovanja prema dobavljačima i uposlenicima? Da li su uplaćeni porezi i doprinosi za 2008 i 2009. godinu prema PIO/MIO, što je do sada bio problem. Može i pisani odgovor. A drugo kratko pitanje je upućeno ministrici, sigurno na sve interesuje, prema informacijama roditelja, u posljednja dva mjeseca učenici Četvrte gimnazije Ilidža su samo dva dana imali kompletnu nastavu, ni jutros nisu na nastavi jer je ponovno dojavljena bomba u ovoj školi. Prema obavještenju uprave škole, nastava će biti nadoknađena čim se steknu uslovi za to. Kako, kada će maturanti ove škole nadoknaditi tolike časove? Ako može usmeni odgovor“.

Zastupnica Danijela Kristić je podnijela sljedeće (citiramo): „Kolegica Arijana Memić i ja podnosimo inicijativu. U skladu sa potrebama stanovnika Općine Ilidža i Općine Hadžići, predlažemo pokretanje inicijative za osnivanje odvojene ispostave Porodičnog savjetovaništa Kantona Sarajevo na području Općine Ilidža, koja bi bila organizovana kao pilot projekat. Obrazloženje. Prema dostupnim podacima iz Porodičnog savjetovaništa Kantona Sarajevo, broj korisnika u periodu januar-septembar 2024. godine za Općinu Ilidža je 603 korisnika, dok je za Općinu Hadžić 435 korisnika. Realizacija ove inicijative ne bi predstavljala samo korak ka unapređenju kvalitete života građana Općine Ilidža i Općine Hadžići veći doprinos širem jačanju socijalnih porodičnih vrijednosti u društvu.

Još jedna zajednička inicijativa. Podnosimo inicijativu da Zavod za javno zdravstvo Kantona Sarajevo i Porodično savjetovanište Kantona Sarajevo pokrenu promotivnu kampanju za rast i razvoj rane intervencije u Kantonu Sarajevo. Cilj ove inicijative jeste da značajno doprinese podizanju svijesti o važnosti pravovremenog prepoznavanja i tretiranja razvojnih poteškoća kod djece. Osnovni cilj kampanje bi bio informisati građane o važnosti ranog prepoznavanja razvojnih poteškoća kod djece, dostupnim uslugama rane intervencije u Kantonu Sarajevo, koristima koja rana intervencija ima za djecu, porodicu i društvo.

Zastupničko pitanje koje postavljamo Centru za rani rast i razvoj Saraj Polje i Centru za rani rast i razvoj Vogošća. Tražimo da nam dostavite informacije o ukupnom broju korisnika, starosnoj strukturi, vrstama usluge koje koriste, kao i informacije o tome koliko je djece upućeno od strane pedijatara u tekućoj godini?

Također imam jedno pitanje prema premijeru i resornom ministru vezano je za ZOI. Kako mislite riješiti problem ZOI-a? Da li znate da radnici nisu primili platu 50 dana, da je upitan početak sezone na Bjelašnici, da im danas trebaju isključiti struju, da su im blokirani računi radi pravosnažnih presudi iz 2014. godine? Možete li nam reći šta ćete uraditi po tom pitanju i kada radnici mogu očekivati da će dobiti platu?“

Zastupnica Belma Kapo je podnijela sljedeće (citiramo): „Ja podnosim zastupničku inicijativu u ime Kluba SDP-a. Inicijativa se odnosi ka Ministarstvu za odgoj i obrazovanje Kantona Sarajevo. Inicijativa ide u pravcu izmjene Pravilnika o izricanju odgojno- disciplinskih mjera u osnovnim i srednjim školama. Obzirom da je to poprilično velik dokument koji smo mi nastojali detaljno obraditi, ja ću samo dati osvrt jer nije vam dovoljno prostora. Pravilnik je donesen nakon usvajanja Zakona o osnovnom i srednjem obrazovanju, koji je dobio naš punu podršku. Nakon toga je došao navedeni Pravilnik koji je izazvao brojne strahove, kako učenika,

tako roditelja i nastavnika. Apsolutno vjerujemo da će ministrica razmotriti sve naše intencije da se ovaj Pravilnik doradi i napravi na način da ne izaziva bilo kakve nedoumice i strahove, te da omogućiti lakši rad u školama. Najviše negodovanja izazvalo predviđeno popunjavanje obrasca za opis događaja koji bi se popunjavao na osnovu izjave djeteta. Na dnu tog obrasca predviđeno je potpisivanje učenika. Smatramo da je tu nepotrebno i da je u suprotnosti sa zakonima koji tretiraju rad sa djecom i omladinom, konvencijom UN-a, Europskom Konvencijom za zaštitu ljudskih prava i temeljnih sloboda. Iz tog razloga predlažemo ukidanje potpisa maloljetnog djeteta na dnu navedenog obrasca. S druge strane, u Pravilniku imamo manjkavosti koji se odnose na djecu kojima je već izrečena odgojno disciplinska mjera i dijete se naredna 3 mjeseca prati. U toku trajanja te mjere, ako nastavi sa neprihvatljivim oblikom ponašanja, profesori nemaju metode kojim bi mogli izreći težu sankciju, poput npr. Izbacivanja iz škole. U našoj inicijativi je sve detaljno objašnjeno i obrazloženo, tako da vjerujem da će ministrica nam dostaviti pismeno obrazloženje i da ćemo ići u pravcu da se ovaj Pravilnik poboljša na način da ne izaziva bilo kakve nedoumice ili ukoliko je došlo do pogrešne interpretacije u javnosti kod roditelja i nastavnika, da imamo na neki način detaljno objašnjenje u javnosti da bismo otklonili sve ove nedoumice koje postoje oko navedenog Pravilnika“.

Zastupnica Kristina Petrović je podnijela sljedeće (citiramo): „Upućujem jednu inicijativu prema Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo da se oformi stručno tijelo Vlade koje će raditi na izradi dugotrajnog rješenja za grijanje građana Vogošće preko sistema Bags-Energotehnika. Ove grejne sezone, a i prethodnih problemi centralnog grijanja putem Bags-Energotehnika se ponavljaju. Potrebno je sastaviti stručno tijelo koje će raditi na izradi dugoročnog rješenja za grijanje i funkcionisanje u narednim grejnim sezonama, te raditi na što bržoj implementaciji tog rješenja, kako se ovakve situacije kao ovogodišnja ne ponavljale više.

Također imam pitanje prema Javnom komunalnom preduzeću Vodovod i kanalizacija. Ovo pitanje postavljam u ime Komisije za prostorno uređenje, stambeno-komunalnu politiku, infrastrukturu i zaštitu okoliša. Zbog čega su na rekonstruisanom dijelu kolektora na Bjelašnici postavljene cijevi manjeg profila nego prijašnje cijevi, te koliko je često održavanje ovog cijelog sistema?“

Zastupnica Arijana Memić je podnijela sljedeće (citiramo): „Ja ću imati prvo pitanje za Ministarstvo unutrašnjih poslova i Upravu policije. Molim da mi se odgovori pismenim putem da dostave informacije o aktivnostima i preduzetim mjerama u vezi s učestalim dojavama o postavljenim eksplozivnim napravama u obrazovnim ustanovama Kantona Sarajevo, koje mjere su poduzete kako bi se identificirali počinioci i spriječile buduće lažne dojave? Da li su policijski službenici osposobljeni za provođenje edukacije u osnovnim i srednjim školama na temu maloljetničkog prijestupništva? Molim da navedete detalje o vrstama obuka koje su prošli, sadržaju tih edukacija, kao i o programima prevencije maloljetničkog prijestupništva koje trenutno provode u školama.

Pitanje prema Domu zdravlja Kantona Sarajevo. U cilju procjene prakse pedijataru u vezi s upućivanjem djece u Centar za rani rast i razvoj i upućivanje roditelja u Porodično savjetovalište Kantona Sarajevo, molim da dostavite sljedeće informacije: koliko je djece u tekućoj godini upućeno u Centar za rani rast i razvoj, koliko je roditelje u tekućoj godini upućeno u Porodično savjetovalište Kantona Sarajevo?

Podnosim inicijativu zajedno sa kolegicom Danijelom Kristić, a upućujemo je Porodičnom savjetovalištu Kantona Sarajevo, Dnevnom centru "Denis" i Udruženju "Dajte nam šansu". Inicijativa, dakle u cilju unapređenja pružanja psihosocijalne podrške roditeljima i porodicama na području Kantona Sarajevo, predlažemo inicijativu za formalizaciju saradnje između Porodičnog savjetovališta Kantona Sarajevo i Udruženja "Dajte nam šansu" kroz servis Centra i Dnevnog centra "Denis" kroz potpisivanje sporazuma o saradnji. Obrazloženje. Obje institucije imaju

ključnu ulogu u pružanju podrške roditeljima, djeci i porodicama. Porodično savjetovanište posjeduju stručne resurse i višegodišnje iskustvo u savjetovanju i terapijskim uslugama, dok Dnevni centar "Denis" kroz svoj rad pruža direktnu podršku porodicama u lokalnoj zajednici. Formalizacija saradnje između ovih subjekata omogućila bi povezivanje resursa i znanja radi pružanja efikasnije podrške korisnicima, unapređenje kvalitete usluga kroz zajednički projekt edukacije, te bi omogućila većem broju roditelja i porodica pristup stručnim programima i savjetovanje.

Također, imam još jedno pitanje. Obzirom da sam još 2019. godine podnijela inicijativu, dakle, o donošenju Zakona o gorskoj službi spašavanja, molim premijera Uka, ako može usmenim putem da mi odgovori dakle koji je status donošenja Zakona o GSS-u. Poznato nam je da je Vlada usvojila prednacrt još prije godinu dana i ako može, da nam dostavi informaciju o tome ko je činio radnu grupu pri donošenju tog prednacrtu?“

Zastupnica Vedrana Vujović je podnijela sljedeće (citiramo): „Moje prvo zastupničko pitanje upućujem Ministarstvu za rad i socijalnu politiku, a odnosi se na porodijske naknade. Na koji način i u kojem iznosu zaposlene žene mogu ostvariti pravo na porodijsku naknadu u Kantonu Sarajevo u iznosu od cirka 1200 maraka? Ono što ste vi kao Trojka u Kantonu Sarajevo više puta proteklih godina naglašavali jeste da svaka porodilja i zaposlena i nezaposlena, ima pravo na porodijsku naknadu u iznosu od 1200 maraka, kažem cirka. I u proteklom periodu su me kontaktirale zaposlene porodilje koje tvrde da to baš i nije tako. Naime, ova nadležnost je pripala opštinama u Kantonu Sarajevo koja izdaju rješenja po osnovu potvrde poslodavca. S tim u vezi, na terenu imamo potpuno različite iznose porodijskih naknada, poput toga da zaposlene porodilje, na primjer u Opštini Novi Grad, imaju puni iznos od 1200 maraka, u Novom Sarajevu i Centru imaju minimalno, odnosno zagarantovanih 619, a ostatak zavisi od potvrde poslodavca. Također, postoji iskustva kojima zaposlena porodilja nema uopće pravo na porodijsku naknadu ukoliko poslodavac uplaćuje dio plate koji je veći od iznosa porodijske naknade, a to je 1200 maraka. Molim za usmeni odgovor. Isto tako i pismeno detaljno pojašnjenje kako i na koji način zaposlena žena može ostvariti pravo na porodijsku naknadu?“

Drugo pitanje je prema Ministarstvu zdravstva. Zašto na javnom oglasu za prijemu radni odnos u Dom zdravlja Kantona Sarajevo na neodređeno vrijeme, objavljeno 7. 11. ove godine na poziciji defektolog stomatopedi gdje se traži 7 izvršilaca u posebnim uslovima propisano diploma sad Defektološkog fakulteta, odnosno Edukacijsko rehabilitacijskog fakulteta, kada fakultet sa takvim nazivom ne postoji na Univerzitetu u Sarajevu. Na Pedagoškom fakultetu Univerziteta u Sarajevu dugi niz godina postoji i radi Odsjek za edukaciju i rehabilitaciju koji školuje defektologe oligofrenologe, a čija su znanja i kompetencije u potpunosti jednake sa zvanjem defektogstomatoped kao što se traži u javnom konkursu. Ovakvim javnim oglasima direktno se uskraćuje pravo defektologa sa Univerziteta u Sarajevu da apliciraju i zaposle sa u Dom zdravlja u Sarajevo te se pogoduje defektolozima sa konkretno Edukacijsko-rehabilitacijskog fakulteta iz Tuzle.

I upućujem jednu inicijativu prema Ministarstvu za odgoj i obrazovanje, a da se program sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo proširi i na osnovnu školu KŠC Sveti Josip i druge predškolske ustanove u kojima već duži niz godina organizovan produženi boravak, a sve u skladu sa Pedagoškim standardima i normativima te drugim propisima kojima je regulisan njihov rad. Detaljno obrazloženje ću dostaviti pismeno, ali želim ovim putem napomenuti da Vlada još uvijek nije napravila obećanu školu na Stupu te da djeca sa šireg područja Stupa i novih naselja poput Tibre, Bulevara i Izvora idu u KŠC i u njihov produženi boravak, ali isto tako i produženi boravak u predškolskoj ustanovi Sveta obitelj koja je u neposrednoj blizini te škole. Inflacija je pogodila sve roditelje i mislim da je u potpunosti pogrešno kroz ove programe uključivati isključivati kvalitetne i funkcionalne produžene boravke

jer stiće se zaista utisak da je cilj Vlade samo povećati broj djece u javnim ustanovama, a ne u suštini da radimo na rasterećenju roditelja i u najboljem interesu djeteta”.

Zastupnik Faruk Selmanović je podnio sljedeće (citiramo): „Za danas imam prvo inicijativu koju upućujem prema Ministarstvu unutrašnjih poslova i Ministarstvu za rad, socijalnu politiku, raseljena lica i izbjeglice, a inicijativa se odnosi na uvođenje mobilne aplikacije za javnu sigurnost. Vlada Kantona Sarajevo i njena ministarstva, prije svega Ministarstvo unutrašnjih poslova, imaju odgovornost za unapređenje sigurnosne infrastrukture u Kantonu, a i uvođenje novih tehnologija i digitalnih alata, koje ovaj segment još uvijek nije dostigao željeni nivo. Postoji potreba za rješenjima koje će smanjiti administrativna opterećenja, pojednostaviti komunikaciju između građana i policije, te povećati povjerenje javnosti u sigurnosni sistem. Vrlo često je nemoguće ili nije adekvatno dobiti 122 hitni broj telefona, naročito kada se radi o porodičnom nasilju i smatram da uvođenje jedne ovakve aplikacije za javnu sigurnost će omogućiti građanima Kantona Sarajevo da brzo i efikasno prijave kriminal i sumnjive aktivnosti direktno policiji, ali i da zaštititi žrtve nasilja unutar porodice. U sklopu svoje inicijative i dostavlja i projektnu dokumentaciju za samu aplikaciju.

Što se tiče pitanja, imam dva pitanja. Oba pitanja su Ministarstvu za odgoj i obrazovanje Kantona Sarajevo. Ima ih više, dostavit ću ih pismenim putem, ali ova dva zamolio bih da dobijem usmeni odgovor. Prvo pitanje koje znači u proteklim danima u medijima su bili slučajevi vršačkog nasilja i ono što mene interesuje jeste šta predstavlja pravni osnov za stav Ministarstva da se učenicima srednje škole koji počine težu povredu učeničke dužnosti ne može izreći odgojno- disciplinska mjera isključenje iz srednje škole prije nego se izradi i u trajanju od 3 mjeseca ne realizuje individualni plan podrške, odnosno individualni plan brige? Drugo pitanje također, Ministarstvo odgoja i obrazovanja Kantona Sarajevo. Cijeneći da smo vidjeli informaciju vezano za 5 centara u kojima se odgoj i obrazuju djeca učenici sa poteškoćama interesuje me kako je došlo do kršenja Zakona o kojima imamo navode i odnosno koji su isti razlog za smjenu, tj. Koje odredbe su prekršene jer se isti ne vidi iz izvještaja? Ostala pitanja dostavljam u pismenoj formi”.

Zastupnik Damir Marjanović je podnio sljedeće (citiramo): „Postavit ću dva pitanja uvaženoj prof Mesihović, ministrici za nauku i visoko obrazovanje. Prvo pitanje. U proteklih par sedmica u medijima kolaju određene informacije vezano za neusklađenosti Statuta Univerziteta u Sarajevu i Zakona o visokom obrazovanju, gdje se u pojedinim natpisima moglo prezentirati moglo zaključiti da Ministarstvo na neki način ne ide u korist studenata i da svojim nekim odlukama koje donosi da narušava relativno povoljan položaj onih studenata koji su ostvarili prosjek preko 8,0 i koji su svojim znanjem, umijećem i trudom ipak zaslužili da budu oslobođeni plaćanja. Molim vas da nam pojasnite da li je to istina. Znam da ste kroz medije objašnjavali, ali s obzirom da imaju kolege kolegice u skupštinskim klupama koje su postavljali ta pitanja, mislim da je red da nam pojasnite konkretno o čemu se radi sa zvanične pozicije govornice Skupštine Kantona Sarajevo, i normalno pozicije ministrice.

Drugo pitanje je opet vezano za Univerzitet u Sarajevo. Trenutno imamo proces izbora rektora i tu je dolazilo do različitih informacija, u medijima se moglo pročitati razne razne informacije, pa između ostaloga neke političke, eventualno netrpeljivosti, vaše neke političke odluke koje sprječavaju izbor rektora, citiram pojedine medije i pojedine ljude koji su pojavljivali u tim medijima, molim da nam pojasnite ulogu Ministarstva u cijeloj toj priči. Trenutno stanje, ko je pokrenuo proces proces osporavanja samoga izbora trenutnoga, osobe koja vodi Univerzitet, u kojoj je to fazi i što Ministarstvo radi po tom pitanju, što može, šta ne može? I koji je sljedeći hodogram koje institucije Kantona Sarajevo trebaju da poduzmu“.

Zastupnica Fatima Gavrankapetanović-Smailbegović je podnijela sljedeće (citiramo): „Ja danas imam dva pitanja za ministra zdravstva dr Enisa Hasanovića. Prvo, da li će Kantonalno

ministarstvo zdravstva i Kantonalni zavod zdravstvenog osiguranja u svom finansijskom planu za 2025. godinu planirati finansijska sredstva kako bi svim svojim građanima koji se nalaze na listi čekanja Fonda solidarnost finansirali liječenje? Pohvalno je to što je učinjeno u zadnjem kvartalu ove godine za onkološke pacijente, ali to treba učiniti preko čitave 2025. godine i učiniti prema svim pacijentima koji čekaju liječenje na listi Fonda solidarnosti. Neophodnu terapiju moramo obezbijediti za sve pacijente. I drugo pitanje je da li će u budžetu Zavoda za zdravstvenog osiguranja za 2025. godinu biti obezbijeđen novac za reumatološke pacijente s liste čekanja u 2024. godini niti jedan pacijent nije uvršten u protokol liječenja. Do sada već sigurno ima ih negdje oko 100 koji čekaju svoju terapiju. Ja se zahvaljujem i molim usmeni odgovor“.

Zastupnik Adi Kalem je podnio sljedeće (citiramo): „Ja za danas ima jednu inicijativu i par pitanja za Ministarstvo saobraćaja pa ću krenuti redom. Inicijativa se tiče rješavanja statusa osoba sa urođenim i stečenim invaliditetom sa procentom invalidnosti od 60, 70, 80 %, uz obrazloženje da osobe sa invaliditetom koje imaju procenat invalidnosti 60, 70 i 80 % su 2009 godine izvedene iz prava po tadašnjem Zakonu u Federaciji Bosne i Hercegovine. Trenutno pravo na podršku ostvaruju samo osobe sa invaliditetom od 90 i 100 %. Prema procjenama, na nivou Federacije Bosne i Hercegovine postoji oko 65 000 ovakvih osoba sa invaliditetom u ovim kategorijama, a ukupni troškovi za rješavanje njihovog statusa iznose oko 200 000 000 KM, međutim, zbog ograničenih sredstava u Budžetu Federacije Bosne i Hercegovine rješavanje ovog problema predloženo je na Kantonalnom nivou. Kanton Sarajevo, kao pokretač pozitivnih procesa u Bosni i Hercegovini, ima odgovornost i mogućnost da predvodi u uspostavljenju mehanizma za zaštitu prava ovih osoba. Kako bi se osigurala prava osoba s invaliditetom u ovim kategorijama, neophodno je najprije izraditi registar osoba sa invaliditetom na području Kantona Sarajevo, što bi omogućilo tačan uvid u broj korisnika i njihove potrebe. Registar bi bio osnova za izradu Zakona o zaštiti prava osoba sa invaliditetom na Kantonalnom nivou i omogućio alokaciju sredstava za ovu ranjivu kategoriju građana. Podnosim inicijativu da se u Budžetu Kantona Sarajevo za 2025. godinu izdvoje dostatna sredstva za izradu registra osoba sa invaliditetom koja imaju 60, 70, 80 % invaliditeta. S tim u vezi paralelno da ide i izrada Zakona o zaštiti prava osoba sa invaliditetom na Kantonalnom nivou, koji bi svakako definisao mjere podrške zaštite prava ovih osoba. I kao treća mjera planiranje budžetskih sredstava za početak implementacije zaštite prava osoba sa invaliditetom na osnovu izrađenog registra i zakonskog okvira. Ova inicijativa ima za cilj da Kanton Sarajevo preuzme liderstvo u rješavanju statusa osoba sa invaliditetom, osigura sistemsku podršku i zaštitu prava te da ostalim Kantonima u Federaciji BiH posluži kao primjer u provođenju sličnih mjera. Ovime bismo doprinijeli ravnopravnosti, socijalnoj uključenosti i boljem kvaliteti života osoba sa invaliditetom. Stoga pozivam Vladu Kantona Sarajevo i nadležne institucije da hitno planiraju sredstva i započnu realizaciju ove inicijative kako bi se osobe sa 60, 70 i 80 % invaliditeta konačno uključile u sistem podrške i zaštite njihovih prava. Ove osobe su predugo bile zanemarene, a naš zajednički zadatak je osigurati im da dostojanstven i ravnopravan status u društvu. Moja pitanja tiču se od Ministarstva saobraćaja obzirom da imam informaciju da je gotova Strategija sigurnosti cestovnog saobraćaja za period '24. - '33. široj javnosti, mislim jel gotova. Kada će biti prezentovana široj javnosti? Drugo pitanje se odnosi da mi se dostavi plan i program rada Vijeća za sigurnost na cestama u Kantonu Sarajevo, obzirom da je isto formirano i koji su konkretni koraci poduzeti u proteklom periodu, te koliko je sredstava planirano u budžetu za realizaciju njihovog plana i programa? I imam, izvinite predsjedavajući, još jedno je pitanje, a tiče se pitanja koje sam postavio na jednoj od prethodnih sjednica. Tiče se sistema adaptivnog upravljanja saobraćajem na cestama u Kantonu Sarajevo. Tražio sam prošli put informaciju status implementacije, odnosno realizacije tog projekta i faze tog projekta da mi se dostavi detaljnije o čemu se zapravo tu radi“.

Dopredsjedavajuća Jelena Pekić je podnijela sljedeće (citiramo): „Ja ću imati dva pitanja za Ministarstvo za odgoj i obrazovanje Kantona Sarajevo i zamolit ću ministricu ako je u mogućnosti da dobijem usmeni odgovor. Naime, u posljednjem vremenskom periodu se u javnosti pojavilo značajan broj, rekla bih, dezinformacija i zlonamjernih dezinformacija vezano za status i zatvaranje Centra za odgoj i obrazovanje i rehabilitaciju Vladimir Nazor, Zavod za specijalno obrazovanje i odgoj djece Mjedenica, te Centar za slušnu i govornu rehabilitaciju Sarajevo. Pa molim ministricu da nam da detaljnije informacije šta se trenutno dešava po pitanju ovih centara i šta je u vezi sa informacijama koje su se pojavile u javnosti. Drugo pitanje se odnosi na odnosi se, također, vezno je za Centar Vladimir Nazor i vrtić "More nade" koji djeluju u okviru Centra. Postoje informacije, mi smo već razgovarala sam sa resornom ministricom, ali zbog javnosti jako mi je bitno ministricu da nam odgovorite da li kakve su aktivnosti vezano za rješavanje pitanja liste čekanja koje imamo u ovom vrtiću i šta je to što je Ministarstvo poduzelo, odnosno planira poduzeti kako bi smo riješili ovu listu čekanja jer je svaki dan itekako dug i bitan ukoliko djeca ne pohađaju ovaj vrtić”.

Zastupnica Marijela Hašimbegović je podnijela sljedeće (citiramo): „Za današnju sjednicu propitujem 8 tema u obliku inicijative ili pitanja. Tako sam pitanje uputila prema ZZO. Upit je vezan za poziciju koja se tiče Fonda solidarnosti i liječenja teško oboljele djece. Interesuje me kakvo je izvršenje budžeta do sada? I ovo pitanje propitujem iz razloga uvida da li postoje normativni ili neke druge prepreke kako bi se poboljšala ova zdravstvena usluga jer svjedočimo sve češćem liječenju naše djece putem SMS poruka ili nekim drugim načinima i smatram potpuno nedopustivim da sredstva na ovoj poziciji ostaju neutrošena. Sljedeće što propitujem je vezano za Kantonalnu upravu za inspeksijske poslove i Općinski sud i tiče se kolizije u kaznenoj politici koja je ključna za sprovedbu zakona, jer odluke suda po sudskom odlučivanju u postupku koji se pokrenuo inspeksijskim nalazom derogira istim. Naime, kazne koje propisuje sud su puno manje od kazne koje propisuje inspektorat, pa se postavlja pitanje uopće svrhe inspeksijskog djelovanja. I ovo pitanje se posebno odnosi na višestruke povratnike u činjenju prekršaja koje imaju čak i na desetine hiljada kazni koje su po inspeksijskom nalazu trebali da plate, a po sudskom odlučivanju na kraju tu istu kaznu plate, možda sa par hiljada maraka. Sljedeće je upućene inicijativa Ministarstvu zdravstva. Ona se tiče postavljane reklamnih panoa za informacije o stanju, o kvaliteti zraka ispred osnovnih škola, domova zdravlja, kao i na glavnim ulicama i zadužuje se Zavod za javno zdravstvo za provedbu ove inicijative. Sljedeće su upiti koji se tiču Ministarstva za odgoj i obrazovanje, Ministarstvo pravde i uprave, Ured za borbu protiv korupcije, upravljanja kvalitetom, a tiče se opet propitivanja stanja u Elektrotehničkoj školi za energetiku, gdje ponovno sam uputila zahtjev Školskom odboru za očitovanje na sve dosadašnje inicijative koje sam uputila, a na koje nisam dobila odgovor. Ujedno očekujem i očitovanje uvažene ministricu po ovom pitanju. Također, očekujem da će Ured za borbu protiv korupcije i upravljanja kvalitetom u ovoj oblasti i dalje raditi u svojoj nadležnosti, po svim pitanjima i problematici u ovoj školi. I također očekujem da mi se dostave informacije budžetskog inspektora koji se tiče stanja u ovoj školi po njegovoj analizi. I na kraju, na kraju sam ViK-u uputila zahtjev za dostavu dokumentacije koja se tiče priključenja naselja Gornje Vlakovo na gradski vodovod.“.

Zastupnik Ilijaz Pilav je podnio sljedeće (citiramo): „Ja za danas imam dva pitanja i zapravo se radi o ponovljenim pitanjima od jedno od prije 2 godine, jedno od prije godinu i pol dana. Prvo pitanje je za premijera i Vladu Kantona Sarajeva, a tiče se osnivanja osnivanja Ureda Vlade Kantona Sarajevo za podršku Srebrenici. Naime, zbog interesa javnosti želim ovdje i usmeni javni odgovor. Ovo je treći put da u ovoj Skupštini postavljam isto zastupničko pitanje na koje nikad nisam dobio odgovor. Zašto još uvijek nije formiran Ured Vlade Kantona Sarajevo za podršku Srebrenici? Podsjetit ću i Vladu i ovu Skupštinu da je Skupština usvojila Zakon o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone

Ujedinjenih nacija Srebrenica u aprilu još 2022. godine. Rok za uspostavu Ureda je bio 60 dana. Jasno je da je Vlada Kantona Sarajevo prekršila ovaj Zakon i postavljeni rokove. Od tada je prošlo, evo 2,5 godine, a Ured još nije uspostavljen. Moje pitanje je zašto? Budžetima za 2023. i 2024. godinu bile su planirane stavke u iznosu od 2 000 000 i nešto više konvertibilnih maraka. I, naravno, ni marka nije realiziran. Nedavno smo imali u ovoj sali raspravu na temu pomoći povratnicima i bilo je hvalospjeva kako su neki jako mnogo učinili i pomogli, a neki, kao, nisu ništa. Niko nije smogao snage da spomene Srebrenicu i ovaj Zakon i da kaže da nije urađeno ništa. Bilo bi, izgleda previše sada očekivati da neko preuzme odgovornost za to, budući da se niko nije udostojio da odgovori na prethodnih nekoliko upita zašto Ured nije formiran. Umjesto bilo kakvog odgovora i umjesto Ureda za Srebrenicu, Vlada Kantona Sarajevo donosi sramotnu Odluku o obustavi izvršenja rashoda u Budžetu Kantona Sarajevo za 2024. godinu, među kojima je budžetska stavka Implementacija Zakona o Srebrenici u iznosu od 2 104 888 konvertibilnih maraka. Hoće li ko preuzeti odgovornost za ovo kada je Srebrenica u pitanju? Postavljam glasno pitanje i tražim odgovor gdje su otišli milioni koji su trebali biti implementirani u Srebrenici u protekle dvije godine? Hoće li se naknadno realizirati propuštena 4 000 000 iz protekle dvije godine, uz ova 2 000 000 predviđena budžetom za 2025. godinu? Ili ćemo opet doživjeti opet o stavljanju van snage stavke iz budžeta koja je predviđena zakonom? Ako se to ponovo desi, onda je poštenije da stavite van snage Zakon jer koliko sutra će raznim političarima sinuti ideja da ponovo budžetskim obećanjima stanu u obranu povratnika I istočnog bedema domovine, a zapravo je to uvreda povratnicima koji su preživjeli žrtve genocida i potomci žrtava genocida. Imam još jedno pitanje Ministarstvu koje ću dostaviti”.

Zastupnik Mahir Dević je podnio sljedeće (citiramo): „S obzirom da vam je ovaj ministar u zatvoru, ne mogu njemu postaviti pitanja. Dobro, evo, izvinjava se kolega Bandiću, evo u pritvoru. Te stručne termine vi vjerojatno bolje poznajete jer ste a advokat. Onda to pitanje upućujem premijeru. Nekoliko puta sam u ovoj Skupštini Kantona Sarajevo pokretao inicijativu u smislu izmjene zakonskog rješenja koje bi omogućilo legalizaciju bespravno izgrađenih objekata u Kantonu Sarajevo, kojih je na desetine hiljada. Vi ste to jedno pet puta obećali i slagali ovdje i nikada to niste uradili. Konkretno pitanje: premijeru kada ćete, ako možete kazati, evo u ime ministra koji je u pritvoru, to zakonsko rješenje dostaviti Skupštini Kantona Sarajevo? Prva stvar. Druga stvar. Vaš prethodnik je također slagao na moju inicijativu, gospodin Forto, kada sam tražio da se napravi registar službenih automobila u Kantonu Sarajevo, ovaj upoznavajući ga da tada da se troši milioni konvertibilnih maraka u privatne svrhe. Obećao je da ćete napraviti registar službenih automobila u Kantonu i njihove ukupne troškove. Ja to još nisam vidio. To obećanje staro neki skoro 6 godina, tako da, evo, pokrećem inicijativu ili pitanje prema vama da mi odgovorite ili da to konačno riješite i učinite to transparentnim u Kantonu Sarajevo. Pitanje za ministra za boračka pitanja da mi u pismenoj formi dostavi spisak korisnika jednokratne novčane pomoći sa područja općini Ilijaš, taksativno, imenima i prezimenima po mjesecima. Ja znam da vi taj izvještaj objavljujete na stranici Ministarstva, ali tražim isključivo za područje Općine Ilijaš u ovoj tekućoj godini, znači za 2024. godinu. I pitanje za ministra privrede Kantona Sarajevo, s obzirom da do mene kao zastupnika dolaze razne informacije u smislu da vi milione konvertibilnih maraka prebacujete u Kantonalno javno poduzeće Sarajevo- šume, a da se ta sredstva na terenu realiziraju kroz određene šumske puteve na vrlo netransparentan način kako bi se došlo do određenih sredstava, a putem kojih bi se isplatile plaće uposlenicima tog preduzeća, jer navodno, kako radnici kažu, ne bi imali novca ni za plaću. Dajte mi tačan usmeni odgovor koliko ste u 2024. godini finansijskih sredstava iz Ministarstva privrede Kantona Sarajevo prebacili u Kantonalno javno preduzeće Sarajevo šume po svim osnovama? Znači koliko tačno usmeni odgovor, ukoliko ste tu mogućnost da to uradite, ukoliko nemate taj podatak, onda to ću razumjeti i onda mi dostavite to u pismenoj formi. I vama predsjedavajući jedna opaska. Kada mene nema na sjednicama, nemojte da me prozivate, kao što ste radili na posljednjem nastavku, to je zloupotreba Poslovnika. Ja sam u pravilu prisutan na sjednicama. Ako imate bilo što da me pitate, tu sam, možemo diskutovati, ali to što ste već nekoliko puta uradili, nemojte to više raditi.“.

Zastupnik Muamer Bandić je podnio sljedeće (citiramo): „Imam pitanje za Ministarstvo pravde i uprave Kantona Sarajevo, Ministarstvo za odgoj i obrazovanje Kantona Sarajevo je na osnovu Zakona o odgoju i obrazovanju u osnovnoj i srednjoj školi, "Službene novine Kantona Sarajevo" 27/24 donijelo više podzakonskih propisa na osnovu kojih Ministarstvo za odgoj i obrazovanje vrši nadzor nad zakonitošću rada i stručni nadzor javnih i privatnih osnovnih i srednjih škola. Ministarstvo šalje svoje službenike da vrše kontrolu u obrazovnim ustanovama, odnosno osnovnim i srednjim školama, što je u principu zadatak inspekcije. Subjekti nadzora ne znaju koje tijelo je ovlašteno da provodi kontrolu, što stvara pravnu konfuziju. Pitanja za Ministarstvo pravde: da li je ovakvim postupanjem Ministarstva za odgoj i obrazovanje vrši aktivnosti koje su zakonom povjerene inspekcijским organima? Drugo pitanje za Ministarstvo kulture i sporta. Da li će Ministarstvo kulture i sporta napraviti godišnji plan ili četverogodišnji plan za olimpijske kandidate da isti ne idu na javni poziv i ne dobijaju minimalna sredstva od navedenog ministarstva? Primjer, tekvando je donio 3 medalje za Europsko seniorsko prvenstvo. To je olimpijski sport. Pored Lane Pudar, to su jedine medalje iz olimpijskih sportova u Bosni i Hercegovini. Sva 3 kandidata su iz Kantona Sarajevo, odnosno takmičara. Klubovi čiji su oni članovi dobili su na javnom pozivu za 2024. godinu 5000 KM za odlaske na takmičenja i sve druge aktivnosti. To nisu dovoljna sredstva za amatersko bavljenje sportom, a ne Olimpijskim kandidatima kojih u Kantonu Sarajevo ukupno ima 10 do 15, od čega četiri, pet vrhunskih. Nijedan nije podržan u smislu da Ministarstvo kulture i sporta pokuša doći do olimpijski medalje“.

Zastupnica Sanela Klarić je podnijela sljedeće (citiramo): „Ja imam dvije inicijative koje upućujem prema Vladi Kantona Sarajevo i Ministarstvu za prostorno uređenje i okoliš i Zavodu za planiranje i razvoj Kantona Sarajeva, kao i Opština Vogošća. Moja inicijativa se odnosi na preispitivanje trenutnog plana Privredne zone na lokaciji vojnih kasarni u Semizovcu i Nacrtu urbanističkog plana Kantona Sarajeva i izrade regulacionog plana koji uključuje i centar Semizovca i zone kasarne prema potrebama građana Semizovca, jer, naime, u ovom trenutku u samom centru se nalazi, Semizovci se nalaze na magistralnoj cesti i glavnoj raskrsnici Semizovac-Ilijaš-Olovo, gdje je otežana i ugrožena sigurnost u služnosti građana na bazi dnevnih potreba, a neka od ovih važnih usluga kao ambulanta i željeznička stanica su potpuno izmještene na periferiju i njima je otežan pristup. Potrebno je grupisanje ovih javnih usluga i sadržaja na dnevnoj i sedmičnoj bazi. I kreiranje jednog jedinstvenog centra koji će imati pristup i sigurnost i na taj način možda izmjestiti ove saobraćajnice da bi građani imali kvalitet života u ovom naselju. Ovo naselje ima i historijski značaj i vrijednosti i s druge strane bila je, da kažemo, lokalna turistička atrakcija u historiji. Potrebno je da se kroz Urbanistički plan i regulacione planove u budućnosti u ovom naselju posveti malo više pažnje. S druge strane, također su me građani Kantona Sarajevo kontaktirali nakon moje inicijative za bukobrane u naseljima uz autoput, pošto Ministarstvo saobraćaja u saradnji sa nadležnima iz Kantona i organa lokalne samouprave radi na izgradnji novih saobraćajnica, brzih saobraćajnica, brzih cesta i transverzala na cijeloj teritoriji, neophodno je u naseljima koja su rubna, odnosno se nalaze uz ove jake saobraćajnice, planirati i obezbijediti izgradnju bukobrana da bi se obezbijedio kvalitetniji život građana u ovim našim naseljima. I imam dva pitanja. Jedno je pitanje za Urbanistički plan prema Zavodu za planiranje razvoja Kantona Sarajevo, kada možemo očekivati da na ovoj Skupštini, odnosno Vlada usvoji prijedlog, a mi ovaj usvojimo na Skupštini taj Urbanistički plan? I s druge strane me interesuje, ovo je pitanje prema Zavodu za izgradnju Kantona Sarajevo, da li se planira korištenje recikliranje otpada koje trenutno imamo u ogromnim količinama kod rušenja zgrade na Pofalićima, na čijoj lokaciji se planira izgradnja nove zgrade za MUP Kantona Sarajevo?“

Zastupnik Samir Avdić je podnio sljedeće (citiramo): „Moje pitanje u vezi sa vrlo aktuelnom temom ovih dana, a to je tema kolektivnih ugovora i razgovori koje smo, pa skoro svi

zastupnici i zastupnice, imali ovih dana sa predstavnicima sindikata u Kantonu Sarajevo. S obzirom da dolazim iz partije koja njeguje dijalog sa svojim socijalnim partnerima, i sam ih doživljam kao veoma značajan subjekat prilikom odlučivanja i ovog organa. Radi daljnjih razgovora, radi bolje informisanosti javnost i radi bolje informisanosti samih sindikalista, kako članova i članica sindikata, tako i njihovih predstavnika, od kojih nisu svi ovdje bili baš zadnjih tridesetak godina. Zanimaju me uporedni podaci o finansijskim detaljima, bez obzira da li se radi o povećanjima ili umanjenju, odnosno umanjenjima osnovica i koeficijenata svakog od kolektivnih ugovora koji su različite Vlade Kantona Sarajevo potpisivali u posljednjih 10 godina sa predstavnicima sindikata. Znači, zanimaju me mandati 2014-2018, mandati 2018- 2022. i ove 2 godine ovog aktualnog mandata 2022.- 2024.. Sa kojim sindikalnim organizacijama u Kantonu Sarajevo su u ovom periodu ovih 10 godina bili potpisivani kolektivni ugovori? Znam da su neki od njih bili potpisivani na godinu dana. Onda se u posljednje vrijeme pojavila praksa potpisivanja na 2 godine. Koliko znam, nikada to nije bilo na 3 godine i iz tih podataka mislim da ćemo biti svi, barem informisaniji, ukoliko ne i pametniji, da bismo nastavili pregovore sa svojim partnerima iz sindikata. Ovi podaci nisu dostupni putem Ministarstva financija, po prirodi stvari i po samom sistemu, ali sam dobio sam podatke o osnovicama te bih molio Ured premijera Vlade Kantona Sarajevo da skupi, da sublimira ukoliko nema na jednom mjestu sublimirane podatke o svim ovim kolektivnim ugovorima koji su potpisivani između svakog od pojedinačnih ministarstava, sa svakim od pojedinačnih sindikalnih organizacija“.

Zastupnik Jasmin Šaljić je podnio sljedeće (citiramo): „Ja ću imati dva pitanja. Jedno je pitanje za Zavod zdravstvenog osiguranja Kantona Sarajevo. Mi kao zastupnici dobili smo dopise članova porodica 6 porodica i poginulih boraca da su po javnom pozivu zaposleni već unazad dvije, tri godine i da su naprosto ti ugovori prekinuti. Moje je pitanje: po zadnjem javnom pozivu za prijeme zaposlenika koliko je primljeno djece šehida i poginulih boraca? Drugo pitanje za Ministarstvo zdravstva, za gospodina Hasanovića, vidim da je tu prisutan. Vezano je za onkološke pacijente i nedostatak citostatika, a i ovo što je Kanton odobrio za lista čekanje ide jako sporo, čeka se na specijalističke preglede, kao nikad, mjesecima. Ovo vam čitam poruku onkološke pacijentkinje. Moje je pitanje. Redovno se ažurira lista na Koševu za onkološke pacijente, pa Klinika za onkologiju napravila je listu citostatika. U ovom momentu na spisku je 89 citostatika. Također postoji lista citostatika koji nedostaju, a to su Elotinib tablete, Gemzar ampule Kalcij folinat ampule, Irinotecan ampule, Karoplatin ampule, posebno ovaj Fajzer 150 mg /15, to je otopina za infuziju, koncentrat za otopinu i Sandostatin ampule. Postavljam pitanje ministru ili više nije ni važno ni ko je kriv u tom lancu nabavki, hoćemo li više stati u kraj ovoj mucu ovim ekološkim pacijentima jer ovo su neki od ključnih tableta za tu terapiju? Imate li kakav plan i imate li kakve naznake da ljudi oboljeli mogu da računaju?“

Zastupnik Davor Čičić je podnio sljedeće (citiramo): „ Ja ću podnijeti jednu zastupničku inicijativu prema Ministarstvu zdravstva Kantona Sarajevo i Zavodu za osiguranje Kantona Sarajevo. Naime, da Ministarstvo zdravstva i Zavod pokrenu proces proširenja liste pomagala u skladu sa članom 7. Uredbe o obimu, uslovima i načina ostvarivanja prava osiguranih lica u Kantonu Sarajevu na medicinska sredstva. Ovo proširenje bi obuhvatilo dodatna sredstva iz oblasti asistitivne tehnologije za osobe sa različitim invaliditetom. Sadašnja Lista gore pomenute Uredbe ne obuhvata sredstva iz oblasti asistivne tehnologije koja bi značajnoj mjeri ne samo pomogla u rehabilitaciji osoba s invaliditetom, nego bi u velikoj mjeri unaprijedila i kvalitet života ove populacije. Listu je potrebno uraditi u koordinaciji sa profesionalcima iz različitih oblasti, a kako bi se vodilo računa o što svestranijem i svrsishodnijem obuhvatu liste sa potrebnim pomagalima za komunikaciju, kretanje, pozicioniranje tijela, poboljšanje senzorskih funkcija i druge svrhe. Kako se asistivna sredstva, postoji sve veća potreba u populaciji djece sa teškoćama u razvoju i odraslim osobama sa invaliditetom, proširenjem navedene Uredbe bi se ova oblast sistemski uredila te jasno propisali i svi kriteriji za ostvarivanje prava na korištenje različitih pomagala.“

Nakon iscrpljene liste prijavljenih za pitanja i inicijative, odgovore na postavljena pitanja su ponudili: *premijer Nihad Uk, ministrica za rad, socijalnu politiku, raseljena lica i izbjeglice, Enda Pavić Pečenković, Enis Hasanović, ministar zdravstva, Adna Mesihović, ministrica nauke i visokog obrazovanja, Zlatko Mijatović, ministar privrede, Kenan Magoda, ministar kulture i sporta, Naida Hota-Muminović, ministrica odgoja i obrazovanja, Darja Softić-Kadenić, ministrica pravde i uprave, Admir Katica, ministar unutrašnjih poslova.*

Nezadovoljstvo ponuđenim odgovorima iskazali su zastupnici: *Vedrana Vujović, Faruk Selmanović, Mahir Dević, Muamer Bandić i Jelena Pekić.*

Obzirom da je u međuvremenu predsjedavanje sjednicom preuzela *dopredsjedavajuća Jelena Pekić, ista je konstatovala da inicijativu zastupnika Selmanovića je potrebno uputiti prvo Vladi Kantona Sarajevo na izjašnjenje, obzirom da će za provedbu iste biti potrebna finansijska sredstva.*

Zatim je dopredsjedavajuća Pekić dala polusatnu pauzu na zahtjev Kluba SDA.

NASTAVAK NAKON PAUZE

U nastavku nakon pauze predsjedavajući Okerić je otvorio tačku dva.

Realizacija tačke dva.

AD-2.

Prijedlog odluke o izmjenama i dopunama Poslovnika Skupštine Kantona Sarajevo.

Zastupnici su materijal dobili uz poziv za sjednicu. Uvodne napomene u svojstvu jednog od tri predlagača, podnio je *predsjedavajući Elvedin Okerić.*

Pitanja za predlagača su imali zastupnici: *Mahir Dević, Faruk Kapidžić, Albin Zuhrić, Faruk Selmanović, Marijela Hašimbegović, Vedrana Vujović, Muamer Bandić, Samir Avdić, Adi Kalem, Jasmin Šaljić.*

Kako nije bilo više prijavljenih zastupnika za postavljanje pitanja predlagačima materijala, i da je bio zahtjev zastupnika Faruka Kapidžića da se dostavi informacija o stavovima radnih tijela Skupštine po ovom materijalu, predsjedavajući je pozvao zastupnike da se izjasne o pauzi za ručak.

Na osnovu rezultata glasanja, konstatovano je da je Skupština jednoglasno podržala pauzu u trajanju od 75 minuta (s 25 glasova „za“).

NASTAVAK NAKON PAUZE

U nastavku nakon pauze, predsjedavajući Okerić, u svojstvu jednog od predlagača materijala, ponudio je odgovore zastupnicima.

U diskusiji, koja je potom otvorena, učestvovali su zastupnici: *Mahir Dević, Albin Zuhrić, Marijela Hašimbegović, Faruk Selmanović, Faruk Kapidžić, Haris Zahiragić, Vedrana Vujović.*

U međusobnom repliciranju su učestvovali zastupnici: *Muamer Bandić-Mahir Dević, Elvedin Okerić – Albin Zuhrić, Aljoša Čampara, Mahir Dević – Aljoša Čampara, Muamer Bandić*

– Aljoša Čampara, Elvedin Okerić – Muamer Bandić, Albin Zuhrić – Aljoša Čampara, Haris Zahiragić – Aljoša Čampara, Mahir Dević – Elvedin Okerić, Muamer Bandić – Haris Zahiragić, Elvedin Okerić – Vedrana Vujović, Mahir Dević – Vedrana Vujović, Aljoša Čampara – Mahir Dević, Vedrana Vikić Musić – Aljoša Čampara.

Poslovničku intervenciju su imali zastupnici: *Muamer Bandić, Mahir Dević i Albin Zuhrić,*

Ispravke krivog navoda su imali zastupnici: *Faruk Kapidžić, Mahir Dević, Aljoša Čampara i Elvedin Okerić.*

U toku diskusija održana je kratka pauza kako bi se održao sastanak svih klubova i predlagača u cilju postizanja kompromisa vezano za izmjene i dopune ponuđenog materijala.

NASTAVAK NAKON PAUZE

U nastavku nakon pauze, odmah je data nova polusatna pauza na zahtjev Kluba Demokratske fronte.

NASTAVAK NAKON PAUZE

U nastavku je nastavljeno s diskusijama.

U drugoj diskusiji su učestvovali zastupnici: *Adi Kalem, Muamer Bandić, Mahir Dević, Vedrana Vujović, Faruk Selmanović, Marijela Hašimbegović, Jasmin Šaljić, Faruk Kapidžić, Haris Zahiragić.*

U međusobnom repliciranju učestvovali su zastupnici: *Mahir Dević – Vedrana Vujović, Albin Zuhrić – Faruk Selmanović, Albin Zuhrić – Marijela Hašimbegović, Haris Zahiragić – Marijela Hašimbegović, Muamer Bandić – Jasmin Šaljić, Mahir Dević – Jasmin Šaljić, Albin Zuhrić – Jasmin Šaljić, Mahir Dević – Jasmin Šaljić.*

Ispravku krivog navoda imali su zastupnici: *Mahir Dević, Elvedin Okerić, Muamer Bandić i Mahir Dević.*

Poslovničku intervenciju su koristili zastupnici: *Albin Zuhrić i Miomirka Melank.*

Po zaključivanju diskusija, predsjedavajući je pozvao zastupnike da se izjasne o Prijedlogu odluke.

Na osnovu rezultata glasanja, predsjedavajući je konstatovao da je Skupština većinom glasova donijela Odluku o izmjenama i dopunama Poslovnika Skupštine Kantona Sarajeva. (s 19 glasova „za“, 2 glasa „protiv“ i bez „suzdržanih“ glasova).

Na zahtjev Kluba SDA koji je iskazao nepovjerenje u glasanje, provedena je pojedinačna prozivka zastupnika za glasanje.

Na osnovu rezultata pojedinačnog glasanja, predsjedavajući je konstatovao da je Skupština većinom glasova donijela Odluku o izmjenama i dopunama Poslovnika Skupštine Kantona Sarajeva. (s 19 glasova „za“, 11 glasova „protiv“ i bez „suzdržanih“ glasova).

Prije prelaska na realizaciju tačke 3. Dnevnog reda, predsjedavajući je dao polusatnu pauzu na zahtjev Kluba Stranke za Bosnu i Hercegovinu.

NASTAVAK NAKON PAUZE

Realizacija tačke tri.

AD-3.

Nacrt budžeta Kantona Sarajevo za 2025.godinu

Zastupnici su materijal za tačku dobili uz poziv za sjednicu. Uvodno izlaganje u ime Predlagača je podnio *ministar finansija, Afan Kalamujić*.

U međuvremenu je predsjedavanje sjednicom nakratko preuzela dopredsjedavajuća Jelena Pekić.

Pitanja za predlagača materijala imali su zastupnici: *Mahir Dević, Smiljana Viteškić, Marijela Hašimbegović, Jasmin Šaljić, Vedrana Vujović, Admela Hodžić, na koja im je resorni ministar Afan Kalamujić ponudio odgovore* nakon petnaestominutne pauze.

Poslovničku intervenciju vezano za nedostatak kvoruma je imao zastupnik Mahir Dević.

U diskusiji su učestvovali zastupnici: *Mahir Dević, Marijela Hašimbegović, Jasmin Šaljić, Faruk Selmanović i Admela Hodžić.*

U međusobnom repliciranju su učestvovali zastupnici: *Mahir Dević – Jasmin Šaljić.*

Nakon što je konstatovao da nema više prijavljenih za diskusije, predsjedavajući je zaključio diskusije i zahvalio se zastupnicima na konstruktivnim diskusijama. Zatim ih je obavijestio da u konsultaciji sa svojim zamjenicima prekida rad na sjednici, te da će zastupnici biti blagovremeno obaviješteni o nastavku iste.

Broj: 01-04-50172/24
08.11.2024.godine
SARAJEVO

Zapisnik izradila:

Lejla Kadrić

S E K R E T A R

SKUPŠTINE KANTONA SARAJEVO

Aida Zeković

P R E D S J E D A V A J U Ć I

SKUPŠTINE KANTONA SARAJEVO

Elvedin Okerić

ZAPISNIK

O RADU PRVOG NASTAVKA 17. RADNE SJEDNICE SKUPŠTINE KANTONA SARAJEVO ODRŽANE 29.11.2024.GODINE SA POČETKOM RADA U 10,00 SATI

Prvi nastavak 17. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 25 zastupnica i zastupnika. Izostanak sa sjednice opravdali su zastupnici Adi Kalem i Ilijaz Pilav, dok je kašnjenje najavila zastupnica Admela Hodžić.

Sjednici nisu prisustvovali zastupnici: Muamer Bandić, Sebija Izetbegović, Damir Marjanović, Vedrana Vikić-Musić i Haris Zahiragić.

U skladu s naprijed navedenim, prisustvo zastupnika Prvom nastavku 17. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kapidžić Faruk
3. Selmanović Faruk
4. Viteškić Smiljana

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pobrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Gavrankapetanović – Smailbegović Fatima
2. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana
3. Zuhrić Albin

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo
4. Memić Arijana

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodnom zasjedanju u okviru tačke 3 dnevnog reda koja glasi Nacrt budžeta Kantona Sarajevo za 2025. godinu obradili uvodno izlaganje predlagača, postavljanje pitanja od strane zastupnika i davanje odgovora predlagača na ista, proveli raspravu, i istu zaključili, tako da se ovo zasjedanje nastavlja izjašnjavanjem po okviru tačke 3. dnevnog reda koja glasi „Nacrt budžeta Kantona Sarajevo za 2025. godinu“.

*Zatim je predložio da Skupština po Nacrtu budžeta Kantona Sarajevo za 2025. godinu donese sljedeći **Zaključak**:*

1. *Utvrđuje se Nacrt budžeta Kantona Sarajevo za 2025. godinu.*
2. *Nacrt budžeta iz tačke 1. ovog Zaključka stavlja se na javnu raspravu.*
3. *Javna rasprava održat će se u Kantonalnim organima uprave, jedinicama lokalne samouprave, u Kantonalnim ustanovama i javnim preduzećima i trajat će 15 dana.*
4. *Primjedbe, prijedlozi i sugestije zastupnika i mišljenja radnih tijela Skupštine dostavljaju se Vladi Kantona Sarajevo koje organizuje i provodi javnu raspravu putem Ministarstva financija Kantona Sarajevo.*
5. *Vlada Kantona Sarajevo je dužna da nakon provedene javne rasprave, Skupštini Kantona Sarajevo dostavi izvještaj o rezultatima javne rasprave koji sadrži primjedbe, prijedloge i mišljenja, kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga budžeta Kantona Sarajevo za 2025 godinu.*
6. *Ovaj Zaključak stupa na snagu danom donošenja.*

*Na osnovu rezultata glasanja, konstatovano je da je **Skupština većinom glasova donijela ovaj Zaključak** (s 18 glasova „za“, 5 glasova „protiv“ i 1 glas „suzdržan“).*

Realizacija tačke četiri.

AD-4.

Nacrt Zakona o izvršenju Budžeta Kantona Sarajevo za 2025 godinu

Zastupnici su materijal dobili uz poziv za sjednicu. Uvodno izlaganje je podnio *ministar finansija, Afan Kalamujić*.

Pitanja za predstavnika predlagača imali su zastupnici: *Mahir Dević i Marijela Hašimbegović*, na koja im je *ministar Kalamujić* odmah odgovorio.

U diskusiji su učestvovali zastupnici: *Marijela Hašimbegović i Mahir Dević*.

Zaključivši diskusiju, *predsjedavajući je predložio da Skupština po Nacrtu Zakona o izvršenju Budžeta Kantona Sarajevu za 2025. godinu donese sljedeći Zaključak:*

1. *Utvrđuje se nacrt Zakon o izvršenju Budžeta Kantona Sarajevo za 2025. godinu.*
2. *Nacrt budžeta iz tačke 1. ovog Zaključka stavlja se na javnu raspravu*
3. *Javna rasprava održat će se u Kantonalnim organima uprave, jedinicama lokalne samouprave, Kantonalnim ustanovama i javnim preduzećima i trajat će 15 dana*
4. *Primjedbe, prijedlozi i sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu putem Ministarstva finansija Kantona Sarajevo.*
5. *Vlada Kantona Sarajevo je dužna da nakon provedene javne rasprave Skupštini Kantona Sarajevo dostavi izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izvršavanju budžeta Kantona Sarajevo za 2025. godinu.*
6. *Ovaj zaključak stupa na snagu danom donošenja.*

Na osnovu rezultata glasanja, predsjedavajući je konstatovao da je Skupština većinom glasova donijela ovaj Zaključak, (s 18 glasova „za“, 5 glasova „protiv“ i 1 glas „suzdržan“).

Realizacija tačke pet.

AD-5.

Prijedlog odluke o davanju saglasnosti na izmjene i dopune Financijskog plana za 2024. godinu Javne ustanove Fond Memorijala Kantona Sarajevo, čiji je pravni sljedbenik Javna ustanova Memorijalni centar Sarajevo.

Premijer Nihad Uk je povukao ovu tačku s dnevnog reda.

Realizacija tačke šest.

AD-6.

Prijedlog odluke o izmjenama Odluke o davanju u podzakup stanova, poslovnih prostora i garaža u objektima O-9 i O-10 na lokaciji "Otes".

Zastupnici su materijal dobili u dopuni. Uvodno izlaganje je podnio *pomoćnik ministrice za rad, socijalnu politiku, raseljena i izbjegla lica, Zoran Timarac*.

Predsjedavanje sjednicom je u međuvremenu preuzela dopredsjedavajuća *Jelena Pekić*.

Pitanje za Predlagača su imali zastupnici: *Vedrana Vujović, Marijela Hašimbegović i Albin Zuhrić*, na koja im je *pomoćnik ministrice, Timarac*, odmah ponudio odgovore.

U diskusiji koja je potom uslijedila učestvovali su zastupnici: *Mahir Dević, Vedrana Vujović, Marijela Hašimbegović, Albin Zuhrić, Faruk Selmanović i Elza Gaković*.

Na zahtjev Kluba Naše stranke data je polusatna pauza.

NASTAVAK NAKON PAUZE

U nastavku koji je uslijedio, predsjedavajući Okerić je dao riječ prvom narednom prijavljenom za diskusiju.

U nastavljenj diskusiji učestvovali su zastupnici: *Davor Čičić i Samir Avdić*.

Međusobno su replicirali zastupnici: *Mahir Dević – Davor Čičić, Mahir Dević – Samir Avdić*.

Premijer Nihad Uk se zahvalio svim zastupnicima na konstruktivnoj diskusiji i obavijestio zastupnike da uz saglasnost ministrice Ende Pavić Pečenković povlači ovaj materijal na usaglašavanje.

Zatim je dopredsjedavajući Vibor Handžić predložio, a zastupnici jednoglasno podržali pauzu za ručak u trajanju od 75 minuta

NASTAVAK NAKON PAUZE

U nastavku nakon pauze prešlo se na realizaciju tačke sedam Dnevnog reda.

AD-7.

Prijedlog odluke kojom se daje saglasnost za zaključivanje ugovora o kupoprodaji nekretnina u svrhu proširenja Gradskog groblja Vlakovo.

Zastupnici su materijal za ovu tačku dobili uz poziv za sjednicu, smatrali su da nije potrebno uvodno izlaganje, te nije bilo prijavljenih za postavljanje pitanja ili diskusiju.

Stoga je predsjedavajući pozvao zastupnike da se izjasne o Prijedlogu odluke.

Na osnovu rezultata glasanja predsjedavajući je konstatovao da je Skupština jednoglasno donijela Odluku kojom se daje saglasnost za zaključivanje ugovora o kupoprodaji nekretnina u svrhu proširenja Gradskog groblja Vlakovo (s 18 glasova „za“).

Realizacija tačke osam dnevnog reda.

AD-8.

Prijedlog zaključka Skupštine Kantona Sarajeva po zahtjevu Ministarstva unutrašnjih poslova Kantona Sarajevo broj 02-7/7- 248/24 od 17. 07. 2024 godine.

Zastupnici su prijedlog zaključka dobili u dopunskom materijalu. Obzirom da nije bilo prijavljenih zastupnika za pitanja ili diskusiju, predsjedavajući je istu zaključio i zamolio zastupnike da se izjasne o predloženom Zaključku.

Na osnovu rezultata glasanja, predsjedavajući je konstatovao da je Skupština jednoglasno donijela Zaključak Skupštine Kantona Sarajeva po zahtjevu Ministarstva unutrašnjih poslova Kantona Sarajevo broj 02-7/7- 248/24 od 17. 07. 2024 godine (s 19 glasova „za“).

Konstatujući da su iscrpljene sve tačke dnevnog reda, predsjedavajući se zahvalio zastupnicima i zaključio rad na 17. Radnoj sjednici Skupštine Kantona Sarajevo.

Broj: 01-04-50172/24
29.11.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO
Aida Zeković

PREDSJEDAVAJUĆI
SKUPŠTINE KANTONA SARAJEVO
Elvedin Okerić

- 0 -

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.